

修訂日期: 2004/10/14 發行日期: 2006/2/15

發行單位: 中華電子佛典協會 (CBETA) <http://www.cbeta.org>

資料底本: 大正新脩大正藏經 Vol. 19, No. 1029

原始資料: 蕭鎮國大德提供, 北美某大德提供

No. 1029 [Nos. 1351-1355]

佛說安宅陀羅尼呪經

如是我聞。一時佛在舍衛國祇陀林中給孤精舍。與大比丘眾千二百五十人大菩薩眾四萬人俱。娑婆世界主梵天王。釋提桓因四大天王。提頭賴吒天王毘樓勒[鞞-匆+奇]天王。毘樓博叉天王。毘沙門天王。將二十八部鬼師大將軍。如是等諸天八萬四千阿利多。將其子及眷屬悉來在會。

爾時去此佛世界。過十萬億佛土。有世界名眾花。佛號最勝燈王如來應供等正覺。今現在說法。遣二菩薩一名大光二名無量光。而告之言。善男子汝等持此陀羅尼呪。至娑婆世界與釋迦牟尼佛。此呪多所饒益。能令眾生長夜安隱。獲大善利色力名譽。即說呪曰。

多跌他 波羅殊隸 殊隸 殊隸隸沙摩鞞摩訶娑摩鞞 娑慢帝 摩訶娑慢帝 娑隸娑羅隸 莎呵

時二菩薩從佛。受持陀羅尼呪。譬如壯夫屈申臂項。眾花國沒到舍衛國祇陀林中給孤獨精舍。時二菩薩前詣佛所。頭面禮足却住一面。而白佛言。世尊去此世界過十萬億佛土。有世界名眾花。佛號最勝燈王如來應供等正覺。今現在說法。遣我等來問訊世尊。少病少惱氣力安不。諸弟子等。不為若魔若天若鬼若羅刹。若部多若鳩槃荼若富單那若毘舍遮。若餓鬼若阿修羅若迦樓羅若干人鬼。若乾陀鬼疫病鬼。若使人狂鬼若亂人心鬼。若方道鬼若起尸鬼。若一日發病鬼。若二日若三日若四日乃至七日發病鬼。若常發病鬼。如是等諸橫之所惱者。最勝燈王如來遣陀羅尼呪。來與世尊。亦欲令此娑婆世界眾生長夜安隱。獲大善利色力名譽。說呪如上。

爾時佛告阿難。汝當受持讀誦通利。為他解說書寫供養此陀羅尼呪。所以者何佛出世難。持是呪亦復甚難。阿難若有受持讀誦通利。得大福利。

佛說摩尼羅蜜經